

Media : Kosmo

Date : 24 April 2024



RIICHIRO OSAWA (kiri) pada majlis memeterai kerjasama antara Ajinomoto dengan Marea di Bandar Enstek semalam.

Ajinomoto, Marea amal kelestarian bersama

SEREMBAN – Ajinomoto (M) Bhd. (Ajinomoto) menjalinkan usaha sama strategik dengan Malaysian Recycling Alliance (Marea) bagi memperkasakan usaha ke arah memupuk amalan kelestarian di Malaysia.

Pengarah Urusan Ajinomoto, Riichiro Osawa berkata, kerjasama ini bertujuan untuk menghasilkan pembangunan dasar lebih progresif, menyumbangkan pandangan bagi mencipta persekitaran berseesuaian dengan pembangunan dan melaksanakan dasar Peluasan Tanggungjawab Pengeluar (EPR) yang lebih efektif di negara ini.

Menurut beliau, ia juga bagi mengikut Pelan Hala Tuju Kelestarian Plastik Malaysia pada tahun 2026 yang mana kerajaan akan melaksanakan program EPR ini secara mandatori.

“Sehingga kini, program EPR dilakukan secara sukarela. Oleh itu, kami akan meneruskan kerjasama ini sehingga kerajaan melaksanakan program mandatori dan mengumumkan hala tuju yang seterusnya,” katanya.

Beliau berkata demikian pada majlis pelancaran kerjasama strategik antara dua syarikat itu di Auditorium Kilang Ajinomoto @Bandar Enstek di sini semalam.